

ВЫНСЬӦДӦМА

Коми Республикаса Веськӧдлан котырлӧн
2020 во лӧддза-номъя тӧлысь 15 лунся 304 №-а шуӧмӧн
(2 №-а содтӧд)

“Ыджыд” республика тӧдчанлуна
канму вӧр-ва заказник йылысь

ПОЛОЖЕНИЕ

1. Панас

“Ыджыд” республика тӧдчанлуна канму вӧр-ва заказник (водзӧ – заказник) артмӧдӧма “Коми АССР-ын заказникъяс да вӧр-ва памятникъяс индӧм йылысь” Коми АССР-са Министръяс Сӧветлӧн 1978 во вӧльгым тӧлысь 30 лунся 484 №-а шуӧм серти.

Заказник лӧӧ республика тӧдчанлуна торйӧн ёна видзан вӧр-ва мутасӧн (водзӧ – ООПТ) да сылӧн эм гидрологическӧй (нюрвывса) нырвизь.

ООПТ-лӧн тыр ним: “Ыджыд” республика тӧдчанлуна канму вӧр-ва заказник.

ООПТ-лӧн дженьыд ним: “Ыджыд” заказник.

Заказниксӧ артмӧдӧма вына кадколаст урчиттӧг да заказниклӧн мудорьясын меститчысь му участокьяссӧ вӧдитчысьяслысь, кутысьяслысь да кийн кутысьяслысь босьттӧг.

Заказник котыртан да сійӧс уджӧдан юкӧнын канмусянь веськӧдлӧмыс, заказник видзан да сыӧн вӧдитчан юкӧнын канму дӧзьӧрыс збыльмӧдсӧ Коми Республикаса Веськӧдлан котырӧн уполномочитӧм Коми Республикаса олӧмӧ пӧртысь власьт органӧн да (либӧ) сылӧн ведомствоувса канму учреждениеӧн, кодлы сетӧма лӧсялана уджмогъяссӧ (водзӧ – заказникӧн веськӧдлысь орган).

2. Заказник артмӧдан медшӧр могъяс да сылӧн могъяс

2.1. Заказниксö артмөдöма сы могысь, медым видзны олигомезотрофнöй нюрвывса система.

2.2. Заказниклөн медшöр могъяс:

видзны экологическöй öтвесьталунсö;

видзны ландшафтнöй да биологическöй унапöлöслунсö;

видзны ва экосистемаяслысь гидрологическöй режимсö;

туявны вöр-ва комплексъасын естественнöй процессъяссö да видзöдны экосистемаяслөн серпас бöрся.

3. Заказниклөн меститчанін да площадь

3.1. Заказник меститчö “Кöрткерöс” муниципальнöй районса муниципальнöй юкөнлөн мутасын Важкуа грездянь асыввывлань 8 км ылнаын, Шойнатыса лесничестволөн Шойнатыса участковöй лесничестволөн 77-79, 87-89 кварталъаслөн мудоръясын.

Заказник меститчанінлысь карта-схемасö вайöдöма тайö Положение дорö 1 содтöдын*.

3.2. Заказник мутаслөн площадьыс лöб 1310 га.

* Оз йöзöдсы.

4. Заказниклөн мудоръяс

4.1. Заказниклөн мудорыс мунö Шойнатыса лесничестволөн Шойнатыса участковöй лесничестволөн 87 кварталса 4 выделлөн рытыввойвыв помсянь 87 кварталса 4 выделлөн войвыв мудорті, 77 кварталса 21, 26 выделъяслөн рытыввойвыв, войвыв да асыввойвыв мудоръясті, 78 кварталса 20 выделлөн рытыввойвыв мудорті, 78 кварталса 8 выделлөн войвыв да асыввойвыв мудоръясті, 78 кварталса 20 выделлөн асыввойвыв мудорті, 79 кварталса 24

выделлөн войвыв, асиввыв да лунвыв мудорьясті, 78 кварталса 21 выделлөн рытиввыв мудорті, 79 кварталса 28 выделлөн войвыв да асиввыв мудорьясті, 88 кварталса 1 выделлөн асиввыв да лунвыв мудорьясті, 87 кварталса 17 выделлөн войвыв, рытиввыв да лунвыв мудорьясті, 88 кварталса 20 выделлөн лунвыв, асиввыв да войвыв мудорьясті, 87 кварталса 18 выделлөн лунвыв, рытиввыв да войвыв мудорьясті, 88 кварталса 21 выделлөн войвыв мудорті, 88 кварталса 9 выделлөн рытив-войвыв, асиввыв да асив-лунвыв мудорьясті, 88 кварталса 21 выделлөн асиввыв мудорті, 89 кварталса 31 выделлөн рытиввыв, войвыв, асиввыв да лунвыв мудорьясті, 88 кварталса 21 выделлөн лунвыв мудорті, 87 кварталса 6 выделлөн лунвыв да рытиввыв мудорьясті, 87 кварталса 4 выделлөн рытиввыв да войвыв мудорьясті петан чутӧдз.

Заказник мутасӧ сідзжӧ пырӧны Шойнатыса лесничестволӧн Шойнатыса участковӧй лесничестволӧн 78 кварталса 22 выдел, 87 кварталса 7-10 выдельяс, 88 кварталса 19 выдел тырвыйӧ.

4.2. Заказниклысь мудорьяссӧ петкӧдлӧма карта-схема вылын тайӧ Положение дорӧ 2 содтӧдын*.

* Оз йӧзӧдсьы.

5. Заказниклӧн мудорьясын меститчӧм

видзан вӧр-ва комплексъяс да налӧн компонентъяс

Заказниклӧн видзан вӧр-ва комплексӧн лоӧ паськыд олигомезотрофнӧй нюр система, мый артмӧ вуджан эжӧра-нитшка участокъясӧн да транзитнӧй гыбадьясӧн торйӧдӧм некымын вылыс массивысь. Вылыс массивьяслы лӧсялӧны этша мылькья веркӧс, лажмыд пӧкат да комплекснӧй быдмӧгьяса му веркӧс. Вевтыртӧны вутшка-гыбада комплексъяс, кутшӧмьяс шӧрас вуджӧны мусюра-йӧнӧдаӧ. Быдмӧгьяслӧн подувнас лоӧны тусяпуа нюрывса кустьяс, нюрывса туруна быдмӧгьяс да

нюр нитшьяс. Массивьяслөн дорьясын да перифериясын вевтыртöны микрорельефлөн кыпöдöм формаяс, а шöрас – гыбадьяс да йөнöдьяс. Сы вылö видзöдтöг, мый обыкновеннöй пожöм (*Pinus sylvestris*) паныдасьлö быдлаын, яруссö сийö артмöдö гежöда да лöсялö сöмын ичöтик джуджыдіньяслы. Туруна-куста ярусые вутшьяс вылын сук, ёна тöдчö, ставнас сийö быдмö 50-80 %. Ёнджыкасö туруна-куста ярусын паныдасьлöны öткымын сикас кустарник öтвылысь, сэтшöмьяс кыдзи нюрвывса момга турун (*Chamaedaphne calyculata*), керч (*Ledum palustre*), обыкновеннöй чöдлач (*Vaccinium uliginosum*), обоеполöй понпир (*Empetrum hermaphroditum*) да векнъыд корья подбел (*Andromeda polifolia*). Туруньяс пöвстысь ёнджыкасö паныдасьлö сöмын мырпом (*Rubus chamaemorus*). Неуна танi быдмöны гöгрöс корья лысва турун (*Drosera rotundifolia*), этша дзоридза эжөр (*Carex pauciflora*), влагалищнöй гöнаюр (*Eriophorum vaginatum*) да кузьмöс турипув (*Oxycoccus microcarpus*). Вутшьяслөн му веркöсын быдлаын ёнджыкасö быдмö рудовгöрд нюр нитш (*Sphagnum fuscum*). Пасйöма öтка ройяс. Гыбадьясыс да йөнöдьясыс зыбучöсь, көнсюрö ёна васöд. Туруна куста яруслөн доминантъясөн лöоны нюрвыв шейхцерия (*Scheuchzeria palustris*), зыбуч эжөр (*Carex limosa*), шочджыка гöрдов гöнаюр (*Eriophorum russeolum*) да влагалищнöй гöнаюр (*Eriophorum vaginatum*), öткөн быдмöны английскöй лысватурун (*Drosera anglica*), гöгрöс корья лысва турун, гöгрöс турипув (*Oxycoccus palustris*) да векнъыд корья подбел. Нитшка веркöсын медуна быдмöны гигрофильнöй нитшьяс: балтийскöй нюр нитш (*Sphagnum balticum*), Линдберглөн нюр нитш (*Sphagnum lindbergii*), ыджыд нюр нитш (*Sphagnum molle*).

Заказник пытшкын неыджыд площадьяс босьтöны мезотрофнöй участокьяс да минеротрофнöй дорьясса да транзитнöй гыбадьяс. Медводдзаясыслы лöсялöны вуджан нюрьяслы лöсялана эжöра-нитшка фитоценозьяс, кöни туруна-куста ярусын медуна быдмö бутыльчатöй эжөр (*Carex rostrata*), му веркöсын – вежласяна нюр нитш (*Sphagnum fallax*). Мöдьясыслы – кадвужа-нитшка, кадвужа-эжöра-нитшка, кадвужа да туруна-

нитшка ۆткөтырҗяс. Ғыбадьясын олиготрофнۆйяскөд ۆтвылысь петөны да весиг ыджыдалөны ва да минералҗяс босьтөм вылө ыджыдджык корөмҗяса быдмөҗяс: зыбуч куз (*Equisetum fluviatile*), кадвуж (*Menyanthes trifoliata*), зыбун турун (*Comarum palustre*) да мукөд.

6. Заказник торйөн өна видзан режим

6.1. Заказниклөн мутасын оз позь вөчны овмөс нуөдан да мукөд удж, мый вөсна вермас торксьыны экосистемаяслөн дзоньлуныс, сы лыдын:

- 1) капиталнөя стрөитан объектҗяс стрөитөм;
- 2) линейнөй объектҗяс стрөитөм, тайө Положениелөн 6.2 пунктын индөм случайяс кындзи;
- 3) пуяс да кустҗяс кералөм да механичeskөя жугөдөм (виччысьтөм да аварийнөй ситуацияяс кындзи);
- 4) абу пуа вөр ресурсҗяс, вөрсa сөян-юан да бурдөдан быдмөҗяс заптөм да чукөртөм, индөм ресурсҗяссө да быдмөҗяссө гражданаөн асланыс могҗяс вылө заптөм да чукөртөм кындзи;
- 5) прөмыслөвөя кыйсьөм;
- 6) муяс бурмөдөм;
- 7) химия препаратҗяс да мувердас видзөм да наөн вөдитчөм;
- 8) туйясысь, кутшөмҗяс эмөсь, да торйөн индөм местаясысь бокин механизируйтөм транспортлөн ветлөм да сулалөм (заказник видзөм серти мероприятиеяс, а сідзжө заказник мудорҗясын меститчысь вөр-ва комплексҗяс да объектҗяс видзөм да бөр лөсьөдөм серти мероприятиеяс нуөдөмкөд йитчөм случайяс кындзи), механичeskөй транспорт средствояс кындзи, кутшөмҗяс ветлөны да сулалөны төвся периодө, пуксьөм лым эжөдөн сэтшөм условиеын, кор тайө оз тшыкөд му веркөссө, быдмөҗяссө да вөр пуктасҗяссө;
- 9) туясян (корсьысян, геофизическөй, геологоразведочнөй) уджҗяс, муывьса да механизируйтөм средствоясөн вөдитчөмкөд да му веркөс да быдмөҗяс тшыкөдөмкөд йитчытөм уджҗяс кындзи;

10) мупытшса озырлун, сы лыдын трунда, туялём да перйём;

11) заказниклысь мутас ёгосьтём да няйтчөдём, а сідзжө производство да потребление шыбласьяс меститём (видзём да гуалём), ортсө лэдзан ва нуөдём;

12) геологическөй, ботаническөй, зоологическөй да мукөд коллекция чукөртём, заказникөн веськөдлысь органкөд сөгласуйтёмөн наука-туялан могьяс вылө найөс чукөртём кындзи;

13) му веркөс да быдмөгьяс тшыкөдём, вөчны позяна удж сикасьяс збыльмөдём кындзи;

14) лэбач позьяс да горсьяс жугөдём;

15) аншлагьяс, шлагбаумьяс, стендьяс, мудор петкөдлысь сюрьяс, мукөд юөртан пас да индалысь, экологическөй ордымьясса да шойччан местаясса оборудование бырөдём да торкём, пуяс вылын гижалём да пасьяс вөчём.

6.2. Заказниклөн мутасын позьё:

1) нуөдны наука-туялан уджьяс заказникөн веськөдлысь органкөд сөгласуйтёмөн;

2) оланпастэчасөн урчитём пөрадокын любительскөя да спортивнөя кыйсьыны;

3) стрөитны, выльмөдны линейнөй объектьяс, вөдитчыны наён сэк, кор найөс оз позь меститны мөдлаө, а сідзжө заказниклысь уджалёмсө могмөдём могысь, заказникөн веськөдлысь органкөд сөгласуйтёмөн;

4) капитальнөя дзоньтавны линейнөй объектьяссө заказникөн веськөдлысь органкөд сөгласуйтёмөн;

5) абу капитальнөй стрөйбаяс да сооружениеяс стрөитём, кутшөмьяс йитчөмаөсь вөчны позяна удж сикасьяс збыльмөдёмкөд;

6) котыртны да нуөдны вөр овмөс, нуөдны вөрьясын пөжарысь да санитарнөй боксянь видзчысьөмсө могмөдан мероприятияяс вөр йитөдьяс ладмөдан юкөнын оланпастэчасөн урчитём пөрадокын тайө Положениелөн 6.1 пунктса корөмьяс төд вылө босьтёмөн;

7) нуодны овмӧс да мукӧд уджлысь мӧд сикасьяс, мыйысь абу ӧлӧдӧма вӧр-ваӧн вӧдитчан да гӧгӧртас видзан юкӧнын оланпастэчасӧн да тайӧ Положениеӧн, оланпастэчасӧн урчитӧм пӧрадокын.

7. Бӧртас

7.1. Заказниксӧ, сы лыдын сылӧн мутасын меститчӧм вӧр-ва комплексьяссӧ да налысь компонентьяссӧ, видзӧны вӧр-ваӧн вӧдитчан да гӧгӧртас видзан юкӧнын оланпастэчас серти.

7.2. Заказниклӧн вӧр-ва комплексьяслы да налӧн компонентьяслы лӧктор вӧчан грӧз артмӧм дырйи сылӧн мутасын вӧчны позяна удж сикасьяссӧ дзескӧдӧны, недыр кад кежлӧ дугӧдӧны либӧ дугӧдӧны пӧрадокын, кутшӧмӧс урчитӧма федеральнӧй оланпастэчасӧн.

7.3. Заказниклысь мутассӧ места вылын индӧны ӧлӧдан да юӧртан пасьяс сувтӧдӧмӧн, а сӧдзжӧ торйӧдӧны тематическӧй картография материальяс вылын.

7.4. Заказниклӧн вӧр-ва комплексьяслы либӧ налӧн компонентьяслы вӧчӧм лӧкторсӧ колӧ вештыны Россия Федерацияса оланпастэчас серти.

7.5. Йӧзӧс, кодьяс мыжаӧсь заказник торйӧн ӧна видзан урчитӧм режим торкӧмын, кыскӧны кывкутӧмӧ Россия Федерацияса оланпастэчас серти.

7.6. Заказник торйӧн ӧна видзан урчитӧм режимлӧн уджалӧм да сӧйӧс могмӧдӧм серти мероприятиеяс збыльмӧдсьӧны Коми Республикаса республиканскӧй сьӧмкуд сьӧм тшӧт весьтӧ да оланпастэчасӧн абу ӧлӧдӧм мукӧд ӧшмӧс тшӧт весьтӧ.

Пасйӧд. Меститчанӧнсӧ да мудорьяссӧ опишитӧма Шойнатыса лесничестволысь 2013 вося вӧр овмӧс котыртан да нуӧдан материальяс тӧд вылӧ босьтӧмӧн.